

N. 3.
IN NOMINE JESU!

שבת שבתות

Seu

DISPUTATIO THEOLOGICA

De

SABBATHO,

Adprobante & consentiente ad-
modum Rever. Facult. Theologica, in Regia
& Illustri Academia Aboensi,

PRÆSIDE

ANDREA WANOCCHIO,

Philos. Pract. & Histor. Prof. Ord. nec non
S. S. Theologiae Extraordin.

Ad ventilandum proposita,

RESPONDENTE,

Dn. ERICO A. FÖRS/

Gestrikio,

Ad diem, favente DEO, 17. Junii,
Anni MDCXCII.

A B O Æ,

Excusa à JOHANNE Winter/
Reg. Typogr.

Venerab. Th. Jer. Wallen:

WEN

ON RY

ABEAD

ABEGI

ABEAD

ABEGI


ABEAD

ABEGI

ABEAD

ABEGI

Lectori pio & candido S. & O.



Aud multis, quo in compendiariam hanc de Sabbatho Dissertationem intromitteris, Cordate Lector, prefari duco necesse, cum vel ipse ὡς ἀπὸ οὐκονίᾳ omnia, sive contemplari queas, quae hic proponuntur, sive subodorare, cur & quibus de causis procusa lucem videant publicam. Scilicet visum fuit REGI nostro clementissimo, cuius thronus sit in eternum benedictus! mihi non ita pridem partes aliquas Professionis in Regia hac Academia Theologicæ gratiōe demandare; quibus, ut ductante SPIRITU SANCTO, me aptarem obeundis, consultum duxi, aliquam in vulgus edere dictæ functionis tesseram, quo vel isthac indicio juventuti Academicæ constaret, quomodo Philosophica nostra studia, per annos duodecim publico nomine traducta, sublimioribus jam veniant applicanda. Argumentum quidem hocce de Sabbatho, tot eruditis, & olim & nunc, viris tritissimum esse facile persensi: ejus tamen elegantia tantum effecit, ut minus ambigerem de revocanda eadem sub repetitam toties disputationis incudem. Est enim Sabbathum nostrum hebdomadarium quoddam quasi μνημονεύματος Sabbathi sepulchralis, ubi (α) venimus ex labore in requiem, postquam (β) in sex tribulationibus liberavit nos DOMINUS, & in septima non tanget nos malum. In primis autem typus est Sabbathi Cœlestis & aeterni: (γ)

Relinquitur enim σαββατιοφός populo DEI , in
quo Allelujah eternum cum electis omnibus licebit
ingeminare : (δ) SANCTUS DEUS PATER , qui nos
ad suam creavit imaginem ! SANCTUS DEUS FILIUS , qui nos in peccatum prolapsos sanguine &
morte sua redemit ! SANCTUS DEUS Spiritus
Sanctus , qui nos per verbum vocavit , per sacramen-
ta sanctificavit , & in vera fide ad finem usque con-
servavit : DOMINUS , Deus Zebaeth ! (ε) Be-
neditio , & claritas , & sapientia , & gratiarum
actio , & honor , & virtus , & fortitudo , DEO
nostro in secula seculorum , Amen !

Hec talia nobissum meditare , Cordate Lector , & in
DOMINO Vale !


(α) Esa. 26: 20. (β) Job. 5: 19. (γ) Ebr. 4: 9

(δ) Esa. 6: 3.

IN NOMINE JESU!
DE SABBATHO.
CAP. I.

παρασκευασικὸν.

§. I.



Vi hominem, cum omnibus,
quæ sunt, sui ipsius auctorem,
adeoque Ens independens & in-
finitum non hariolatur; verum
DEO, *in secula benedicto*, uti par est, & veri-
tati, non modo cœlesti, sed etiam philosophicæ
quodammodo, consentaneum, circa prima re-
rum initia conditum sibi persuadet; is u-
tique ultro, si recte rationes subduxer-
it, eundem (hominem) ad cultum Crea-
tori suo & Domino deferendum, vel ex
lumine rationis teneri colligit, suggestente
id Lege cordibus inscripta: *DEUS est colendus;*
Benefactori rependenda est gratia. Qui tamen
cultus, licet aliquam supponat θεογνωσίαν,
partim ἐμφύτον *Rom. 2: 15.* partim ἐπίκτητον
ex intuitu creaturarum acquisitam, & ex se-

rie causarum progredientem, Rom. 1:19. seqq.
minime ad æternam salutem est sufficiens.
Quamobrem etiam Apostolus dicit, quod
gentiles ἄρτεοι, id est, sine DEO, vixerint,
Eph. 2: 12. Et ipse Deus, qui omnium salu-
tem optat, 1. Tim. 2: 4. invitat eos ad com-
munionem Ecclesiæ, Esa. 45: 22. Conver-
timini ad me, Et salvi eritis omnes fines terræ!
Unde mirari subit quosdam Pontificios, (&
in illis Franciscum Puccium, Filidinum, Ita-
cum, vivi-comburio tandem e medio subla-
tum) quemlibet in sua religione, modo
studeat honestati, salvari posse crocitantes:
nec non Erasmus, Cinglium, Gualterum
ipsius generum, & quotquot easdem inflant
tibias, qui gentilibus etiam, virtutum nomi-
ne commendatis, salutem æternam transcri-
bere non verecundanrur. Scilicet ita cen-
set etiam sutor blasphemiarum Muhammed
in Alcorano, L. 2: c. 1. Forte sunt in ipsa
etiam Ecclesia Christiana quidam vertumni
& ἀλλοπέρσαλλοι, quos Prudentes vocant,
qui pro re nata religione utuntur hac vel
illa, id est, omni & nulla, unice ut tempora-
lia tantum ad nutum succedere possint.
Contra effata Domini Matth. 6: 24. 7: 14. &
22: 14.

22: 14. *Luc.* II: 23. *Job.* 14: 6. 7. *Vid.*
2. Cor. 6:15. &c.

§. II.

DEUM, inquam, modo qvodam colendum
 esse norunt etiam gentiles; sed *rationem*,
 qua coli velit ipse, & debeant homines, e
 superiori principio, verbo DEI, petendam
 esse constat; qvo cum caruerint, vel sanè
 carere voluerint, homines cogitationum
 suarum vanitatibus dediti (qui tandem eva-
 nuerunt ἐν τοῖς θρησκευτισμοῖς αὐτῶν, *Rom.* I: 21.
 22.) factum est, ut infinitæ fere exsurerent
 colendi DEUM (verius Deastros, quos in ve-
 ri & unius DEI locum supposuerunt, utpo-
 te χαράγματα τέχνης *Act. 17: 29.*) rationes.
 Ita Romanis adhuc in paganismo versanti-
 bus feriæ erant *indictivæ*, qvibus, ut rite
 fierent omnia, per præcones edici soli-
 tum, ut litibus & jurgiis abstinerent, &
 cum inimicis quoque benignè comiterque
 sermones conferrent. Ut Ovidius lib. I. *Fast.*

Nunc dicenda bono sunt bona verba die.

Habebant præterea statas ferias, qvas pecu-
 liari titulo diis his vel illis consecraverant.
 In tutela *Junonis* erant omnium mensium
 calendæ. Videsis Ovid. l. I. *Fast.*

Vendicat Ausonias Junonis cura calendas.

Calendas vocat *Ausonias*, qvia carebant il-
lis Græci, secundum proberbium: *Ad calen-
das Græcas*. Fiebant apud illos *Cerealia*, sa-
cra *Dianæ*, *Veneris*, *Martis*, *Mercurii*, *Vulca-
nalia*, pro avertendo urbis incendio, *Satur-
nalia*, ferialia *Plutoni*, *Liberalia* in honorem
Bacchi: (αἱ διογυσίων ἐορταὶ 2. Maccab. 6:7.) &
innumera propemodum alia σεβάσματα, si-
ve festorum Sacrorumve genera, quæ cæ-
cam & corruptam naturam, indito sibi in-
stinctu, consilio colendi aliquod Numen ex-
cogitasse, est in ptopatulo.

§. III.

Verum, ut in modo colendi DEUM, imò
quam maxime in ipso cultus Objecto, mi-
misere deerrarunt Ethnici, Gal. 4. 8. Rom. i.
23. ita circumstantiam temporis, quo DEUS
semet ipsum coli, vel Sabbathum sibi sancti-
cari præcepit, ex se ignorarunt, qvâcunque
tandem assiduitate, uti tradunt, & rigore
dies suos festos celebrarint, monente sic
qualitercumque jure naturali, diabolo etiam,
qui DEI simius esse solet, solennitates istius
modi pro calliditate sua variis modis inter-
polante, Testes sint aliquot quantivis pre-
tii

tii e gentilibus Scriptores. *Epictetus*, gravis Stoicus, & juris naturalis præ æqualibus consultus, Lib. I. Dissert. c. 16. sic per suum loquitur interpretem: *Num aliud quid oportebat nos, si quidem intelligentia in nobis est quædam, publicè & privatim facere, quam laudare & celebrare Numen, eique pro beneficiis in nos collatis gratias agere? nonne & fodientes decet, & arantes, & comedentes, canere hymnum Deo?* *Magnus Deus, qui nobis instrumenta hæc, quibus terram coleremus, exhibuit: magnus, qui nobis manus dedit, item ut gula diglutire possemus, qui ut, sopiti somno possemus spirare, effecit.* Et *Aristoteles Ethic. lib. 8: c. II.* Ita per interpretem: *Qui sacrificia, inquit, faciunt, circaque ea conventus & honores diis exhibent, sibi ipsis cum voluptate requiem comparant: prisca enim sacrificia, & conventus, videntur post fructuum collectiones, quasi minutæ quædam fieri consueuisse: in his enim temporibus otio vacabant maxime.* Similiter *Cicero Lib. 2: de L. L. Feriarum festorumque ratio in liberis quietem habet litium & negotiorum; in servis operum & laborum.* Etiam *Seneca de Tranquillit. Animi c. 15.* *Legum conditores,*

ait, festos instituerunt dies, ut ad hilariatem homines publice cogerentur; tanquam necessarium laboribus interponentes tempus. Neque id solum receptum inter barbaros, sed apud gentes quoque politiores: Strabo namque lib. 10. Geograph. sic per interpretem: *Commune hoc Græcis cum barbaris est, ut sacrificia inter feriandum celebrent, alia cum furore, alia sine eo; alia cum, alia sine musica; alia in arcano, alia palam; idque natura sic dictante.* Et paulò post: *Bene quidem dictum est, homines tum maximè DEUM imitari, cum beneficia conferunt: rectius autem diceretur, cum numina recte colunt: id autem fit gaudendo, dies festos agitando, philosophando, musicam tractando.* Et qvoniā diebus festis ignavo maxime otio torpebant, inde invaluit illud Theocriti proverbium, Idyll. 15. Αέργοις αἰὲν ξοῆται. Semper feriae inertibus. Id ipsum Judæis etiam incredulis in more positum, nempe, ut genio indulgeant, edant, bibant, & hilaritati studeant Sabbatho: unde Sabbathum ipsis vocatur שׁבֵת deliciae, cum & die veneris præcedente multa præparent, ut majori gaudio Sab-

Sabbathum celebrare possint. vid. Talmud. Tract. שבת. fol. 117. 118. Hæc quidem eo pertinent, quod Ethnici ferias suas & festa celebrent cum aliquo cultus opinione; non tamen probant, eos septimum diem, indice jure naturali, diis suis (ne dicam Deo) sanctificasse; multo minus titulum veræ sanctificationis, sed ἔθελοθρησκείας & εἰδωλολατρείας, meruisse.

§. IV.

Non quidem præterit quemquam, magnæ anchoritatis, nec minoris eruditionis, viros in eo fuisse, ut ostenderent, variis sive rationibus sive testimoniis, gentiles etiam constanter servasse diem septimum pro Sabbatho. Verba sunt Eugubini in Cosmopœia: *Propterea numerus ille ac dies, quia maxime naturalis operibusque divinis convenientissimus fuit, habitus est deinceps in omni etate apud omnes gentes venerabilis & sacer. Itaque Pythagorei septem græce dici putaverunt επτὰ, quasi σεπτὰ, sacrum, venerabile. Quod Latini secuti σεπτὸν, sanctum dixerunt. Apud eundem licet deprehendere, Hesiodum diem Septimum sacrum appellavisse.* I. 2. Dierum:

Quarta dies supremaque lux & septima sacra:

Septima candescunt præclari lumina solis:
Septima, qua tristes Acheruntis linquimus
undas.

Qvibus verbis ethnicus Poëta videtur in-
nuere septima die cuncta fuisse perfecta, &
intelligere per *Acheruntis undas* chaos. Et
Linum, *Septima* die omnia opera creatio-
nis fuisse perfecta, scripsisse, ad Mosis nar-
rationem alludendo. Quo & Philo colli-
mans, l. de Opif. Hom. Postquam, inquit,
universus hic mundus perfectus est, juxta
perfectam naturam senarii numeri, sequenti
diei Sabbatho Pater honorem addidit, quem
ubi laudavit, mox sanctum appellare dignatus
est. Est enim festus, non unius populi reli-
gionisve, sed in universum omnium. Qvæ
sola digna est, ut dicatur popularis festivitas,
& mundi natalis. Josephus etiam lib. 2. con-
tra App. negat, urbem ullam, aut Græco-
rum, aut barbarorum posse reperiri, qvæ
cessationem diei septimi ab opere in suos
mores non recepisset. Narrat etiam Lam-
pridius in Alex. Severo, eum *septimo* die,
cum in urbe esset, ascendisse Capitolium, &
templa frequentasse. De puerorum feriis
illo die concessis videndus est Lucianus in
Pseudologista, & Gellius Lib. 13. c. 2,

Verum ad hæc talia facilis est, servata tam
en cuique sua auctoritate prorsus illibata,
responsio. Longe est aliud, novisse genti-
les diem septimum esse Sanctificandum; &
novisse eos id ipsum ex dictamine juris natu-
ralis: Illud enim est novisse indetermina-
te ratione principii; hoc novisse determina-
tare. Novisse, inquam, potuerunt per
famam, vel per traditionem, ex peregrina-
tionibus, quæ quondam freqventiores erant
ad Israelitas, Ægyptios, ceterasque politio-
res nationes, vel per Scripturarum Mosaica-
rum, præsertim in Græcum idioma trans-
fusarum, ut ut serius, lectionem. Deinde
aliud est, gentiles universaliter novisse ra-
tionem septimi diei; aliud particulariter.
posteriorius admitti potest & debet; quo refe-
renda sunt testimonia modo allegata: *prius*
nec dilucide potest, nec facile debet. Si
enim gentilibus ex lumine naturæ consti-
tisset, septimo quoque die magis quam
alias, DELIM esse colendum, utique Judæis
& Sabbathariis pepercissent: Sed eorum
Sabbatha æque ac circumcisionem insectati

sunt non pauci. Testis instar aliorum esto
Rutilius, sic canens:

*Reddimus obscenæ convicia debita genti,
 Quæ genitale caput propudiosa metit.
 Radix stultitiae, cui frigida sabbata cordi,
 Sed cor frigidius religione sua est.
 Septima quæque dies turpi damnata veterno,
 Tanquam lassati mollis imago DEI.*

Impia hæc sunt, & plane in sanctissimum Sab-
 bathi & Circumcisionis auctorem DEUM,
 blasphema. Manet ergo, circumstantiam
 septimi diei, cultui divino consecrandi, non
 ex naturalibus principiis post lapsum posse
 demonstrari, nisi σοχασικῶς & probaliter; emi-
 nenter autem, ne dicam apodictice, e Scri-
 ptura Sacra.

§. VI.

Ut ergo ex ipsa historiâ *Genesios c. 2¹ 2. 3.*
 & Lege morali Sinaiticâ, Exod. 20: 8. ad 12.
 septimi diei Sanctificatio, qva circumstan-
 tiā temporis, in statu lapsus, (aliter enim
 de homine integro, qvi ex sapientia sibi
 concreata rationem cultus divini habuisset
 perspectam, judicandum) est petenda; ita
 existimandum, præceptum illud non esse
 quartum in ordine, sed tertium; qvicquid
 tandem

tandem *Ursinus*, *Vendelinus*, & cæteri *Calvinii* basiatores obtendant: nec tabulam Decalogi primam plura tribus habere præcepta probari potest, cum præceptum illud de *Sculptilibus* tantum sit appendix & explicatio præcepti primi, ejusqve speciale exemplum contineat. Exceptiones Calvinianorum Caput II. dilucidabit. Jam ad essentialia *Sabbathi* paulo propius tendendum.

CAP. II.

κατασκευασικὸν

§ I.

Antequam ad ipsam *Sabbathi* essentialē rationem nobis sit transendum, necessum est, paucis attingere vocis *Sabbathi* cum nomenclationem, tum significationem. Originationem vocis nonnulli, quos inter est Plutarchus lib. 4. συμποσιακῶν, arcessunt ex idiomate græco, vel a σάββοις, seu Bacchis, vel ἀπὸ τῆς σαββάλειν, quod est genialiter vivere. Σάβοι, scribit Alstedius p. 942. Theol. Catechet. est vox Phrygia bacchantium vel helluantium; unde σαββάσιος est Bacchus. Verum qvi radicem *Sabbathi* in lingua Græca investigant, genio suo indulgent, non rei

rei veritatem attingunt. Ergo ex Ebrœâ, quæ labium illud erat unicum, & unus sermo ante exstinctionem turris Babylonicae, Gen. ii. 1. vocem hanc derivandam esse unice, non solum *Gammatica* omnium literarum efformatio, sed & *Pragmatica* rei ipsius significatio, evidenter ostendit. Neque sic quidem a nomine שׁבָת, quod *septem* denotat, ut ut ratio etymologiæ id quodammodo videatur admittere, quia Sabbathum septimo creationis die incepit, Gen. 2: 2. 3. annisque præter propter quater mille in populo DEI fuit celebratum; qvocirca Megalander hymno suo, qvo Decalogum plenius est interpretatus, ad primævam illam institutionem respiciens, accinit: *Du* solt Heiligen den siebenden Tag: verum à verbo שׁבַת, quod *cessavit*, *quievit*, *destitutus*, *vacavit*, significat, præter alias acceptiones minus usitatas. Ita reddit versio, LXX. - virilis verbum שׁבַת, quod Gen. 2: 2. legitur, in verbis primæ institutionis, κατέπαυσε. Inde ergo vox descendit שׁבָת *Sabbath*, generis communis & quidem frequentior, simul ac altera rariùs occurrens, שׁבָתּוֹן *Sabbathon*, qvæ retinetur in græca & latinâ.

tina linguis, generis masculini, cum licen-
tia usurpata scribendi *Sabbatum*, vel
cum aspiratione, per *tb*, vel sine aspiratio-
ne per simplex *t*, Derivatio Vocis Ebræa
exigit aspirationem propter *ה*; Græco-
rum verò mos, qvibus aspiratio in medio
nulla est, nisi implicita, hic in locum *g*
substituit, ut scribatur σάββατον. Scriben-
da qvidem vox esset græcè σάββατον; sed
qvia, reddente rationem *Pasore* in Lex. p.
588. à Græcis duriusculæ illæ aspirationes e-
molliuntur, ideo in Græca versione Veteris,
& in Fonte Græco Novi Testamenti, semper
legitur σάββατον. Discretionem vocis *שבת*
a vocaculis חַרְלָה & מִנּוֹחַ, quam hic obser-
vant qvidam, non inutiliter Philologis per-
qvirendam relinqimus. Id tamen haud
citra rem erit delibasse, qvod vox *Sabbati*,
ἀκελβῶς loquendo, non quietem, sed cessationem
significet: qvies enim conjuncta
solet esse cum refrigerio post laborem & fa-
tigationem, quæ in DEUM nulla cadit, *Esa.*
40: 28. cessationem verò finem tantum actionis
ponit & terminum. Ut hoc pacto, inquit
B. D. Waltherus, frustraneum sit, querere,
Qui DEUS quiescere potuerit? cum non tam
de quiete, quam de cessatione hic sit sermo.

Permutari quidem verbum שְׁבַת cum verbo נוֹת quievit, vel ex collatione locorum, Gen. 2: 2. & Exod. 20: 11. constat; sed hoc posterius de DEO dicitur figurate & ἀνθρωπῶς, perinde ut dormire, audire, ire, sentire: eiamsi in Psalmo quoque 32: 8. & 14. vox quietis מִנְוחָה DEO tribuatur, ut cætra intermittam.

§. II.

Originationem & nativam Sabbathi significationem excipit multiplex vocis usus patro. Venit enim Sabbathum Scriptoribus Ἰεροπνεύσοις, (I) De Diebus, & sic trifariam: (a) pro die *septimo*, in quem Sabbathum Judæorum incidebat, quod erat quasi caput omnium feriarum & solennitatum. Hic dies sanctus erat, vel sanctitate *simpli*, quatenus erat dies septimus; vel *duplici*, quam aliud festum incidens in Sabbathum, ei addidit, & tum vocabatur Sabbathum *magnum*. Job, 19: 31. Nam in id Sabbathum, de quo loquitur Johannes, isto anno, computant nonnulli incidisse festum Paschatos. Alias dies septimanæ dicebantur Ebræis חֻלִּים profani, Græcis ἐργάσιμοι, ἀνέορτοι, ἀνεργοὶ, profesti, in quibus opera manuaria fiunt.

Ouando

Quando autem eos dies profanos uno quasi nomine insigniebant, vocabant ipsos τὸ μεταξὺ οὐβούτων. Hoc fuit tempus, quo gentes cupiverunt audire Paulum, *Act. 13: 42.*
Vid. Scal. de Emend. Temp. lib. 6. p. 26. (β)
 Pro die totius septimanæ unoquovis; prout dies proxime sequens Sabbathum appellatur μία οὐβούτων *Matth. 28: 1. Act. 20: 7.*
1. Cor. 16: 2. Una, id est, *Prima Sabbathorum*, per Ebraismum, uti Moses *Gen. 1: 5.* Fuit vespera, & fuit mane, שְׁמַע יְהוָה, dies unus, id est, *primus*; quoniam secundus, tertius, & alii ipsi postea succedunt. (*γ*) Pro die primo & ultimo cujusque festi, quod pluribus peragebatur diebus, quorum intermedii vocabantur *profesti*: illorum autem uterque erat æque celebris, ut in *Paschate* dies septimus, *Lev. 23: 8.* & octavus in festo *Tabernacularum*, *Num. 29: 35.* (II) Venit Sabbathum de *Hebdomade συνενδοχικῶς*, *Lev. 23: 15.* Ubi DEUS Israelitas numerare jubet, a prima die oblatarum primitiarum in *Paschate*, *septem Sabbathæ* ad festum *Pentecostes*, quæ sunt totidem septimanæ, quas utrumque dictorum festorum intercedere, vel in vulgus notum est. Atque hinc Phariseus ille *Luc. 18: 12.*
gloria-

gloriatur se jejunasse *dis* 78 *oußBártz*, id est,
 in septimana, in der wochen / vertit B.
 Lutherus noster; & Svecus: Tagh fastar
 twå reesor i Weckone; nimirum , die se-
 cundo & qvinto, qvibus jejunia antiquitus
 instituebantur ordinaria : qvia qvinto Mo-
 ses conscenderat montem Sinai, & secundo
 ex eo descenderat. Vid. Drusium lib. 3.
 Præter. p. 107. (III.) De *Annis*, quorum se-
 ptimus qvisque totus olim appellabatur *Sab-*
bathum, quod DEÙS Israelitas in eo jussisset
 terram relinquere otiosam & incultam, ut
 & ipsa sua non destitueretur qvieta, *Lev.*
 25: 34: Et in anno septimo שְׁבָתָן, *sabbath*,
cessatio requiei erit terre, *Sabbatum Domi-*
no. (IV.) Venit Sabbathum de *Hebdoma-*
dis Annorum, quod Sabbathum comple-
 tebatur quadraginta novem annos, inclusi-
 ve sumptos, vel quinquaginta exclusive; quo
 exeunte, annus erat Jubilæus, *Lev.* 25: 8.
 (V.) Denique de *Festis* etiam minus so-
 lemnibus, ac erant *Pascba*, *Pentecoste*, &
scenopegia, quamqvis non inciderint in se-
 ptimum diem. vid. *Lev.* 23: 38. *Ezech.* 20: 22,
 & 23: Ex omnibus hisce *Sabbathi* acceptio-
 nibus, primam, qvæ est diei septimi sanctifi-
 catio, nostro huic instituto substernimus.

S. III.

Fundamentum hujus *sabbathi*, & olim
 & nunc, qua moralitatem, servandi, est in-
 stitutio & verbum Domini, Gen. 2: 2. 3. Ubi
 sic: *Et perfecit DEUS in die septimo opus*
suum, quod fecerat, & cessavit die septimo
ab omni opere suo, quod fecerat. Et bene-
dixit DEUS diei septimo & sanctificavit il-
lum: quia in eo cessaverat ab omni opere suo,
quod creaverat DEUS, ut faceret. Facta
est institutionis hujus repetitio Exod. 20: 8.
9. 10. 11. Recordare diei Sabbathi ad Sancti-
ficandum eum. Sex diebus operaberis, & facies
omne opus tuum: & die Septimo Sabbathum
Domino DEO tuo. Non facies ullum opus tu,
& filius tuus, & filia tua, servus tuus,
& ancilla tua, & animal tuum, & peregris
nus tuus, qui in portis tuis: Quia sex die-
bus DOMINUS fecit celos, & terram, ma-
re, & omnia que in eis, & requievit in die
septimo. Idcirco benedixit DOMINUS diei
cessationis, & sanctificavit eum. Loca Scri-
pturæ S. derivativa & parallela, Sabbathi
sanctificationem, etiam cum interminatio-
nibus, inculcantia in re tam plana minus
videtur necessarium adscribere. Hic est vobis

ille Βασιλικὸς, *Fac.* 2: 8. qui & Adamum, tam ante quam post lapsum, obstrinxit, & posteros ejus, si non ad ceremoniale, tamen morale, semper devincit. Quod vero Adamus & posteri ejus, ante & post diluvium, intra veræ Ecclesiæ pomœria degentes, legem hanc de Sabbatho observarint, & observare per innocentiam potuerint, Caput proxime sequens demonstrabit. Nobis jam ad Definitionem *Sabbathi* properandum.

§. IV.

SABBATHUM est dies quilibet septimus recurrentis hebdomadæ, DEO, ex ipsius institutione, ab hominibus, modo quo vult & præcepit, consecrandus.

Hic (I) Causam efficientem habemus DEUM; Subjectum hominem; Formam modum consecrandi a DEO præscriptum; Finem tacite insinuatum, sanctificationem animæ. (II) Observandum, uti optime advertit D. Osianus der

der in Theologia Morali, diem *Septimum*
 dici talem, vel *definite*, Judaicum scilicet;
 vel *indefinite*, quemcumque in circulo heb-
 domadario recurrentem post sextiduum, ut
 pote jam Christianum. Unde (III) patet,
 illam temporis circumstantiam, feriæ septi-
 mæ, quam laudatus Osiander cum quibus-
 dam aliis appellat *moralē positivū*; non
 evertere in Ecclesia Christiana legem de
 Sabbatho: qvod tamen in capite sequenti
 planius edifferetur. Quod vero ad ipsam
 Sabbathi sanctificationem, vel rationem de-
 center & secundum voluntatem DEI illud
 ipsum celebrandi, hoc petendum est e Scriptura
 divina, tum Theologia *Catechetica*,
practica, *homiletica*.

§. V.

Hæc nos eo deducunt, ut per allegoriam
 agnoscamus discrimen inter Sabbathum *Ani-
 mæ* seu *spirituale*, Sabbathum *corporis* seu
 sepulchrale, & Sabbathum *Animæ & cor-
 poris* simul, seu *Cœlestis & mysticum*. (I)
 Illud, per diem *Septimum* repræsenta-
 tum, in eo consistit, ut a corruptæ carnis
 nostræ operibus feriemur, & abstineamus
 a peccatis regnaticibus, & contra consci-
 tiā commissis, ut Spiritui Sancto ad bene-

operandum eo facilior pateat aditus. Ita enim describitur *Esa.* 56: 2. *Beatus vir custodiens Sabbathum, ne polluat illud, custodiens manus suas, ne faciat omne malum.* Vide *Esa.* 58: 13. & v. 14. *Tunc delectaberis super Domino, & sustollam te super altitudines terræ, & cibabo te hereditate Jacob, Patris tui: Os enim Domini locutum est.* Ejusmodi Sabbatizantibus dicit Dominus, *Matth.* ii: 28: 29. *Ego reficiam vos, & inventis requiem (Sabbathum) pro animabus vestris.* (II) *Istud est Sabbathum totalis a peccato liberationis in sepulchro, quo, qui beate hinc decedunt, ex labore veniunt in requiem,* *Apoc.* 14: 13. *Esa.* 26: 20. & 57: 2. Tota vita nostra sextiduum est laboris, *Job.* 7: 18. septimus autem mortis, vel verius ἀναλύσεως dies est, quo se pius potest alliqui ex *Psal.* 116: 7. *Revertere, anima mea, in requiem tuam.* (III.) *Hoc, nempe Sabbathum animæ & corporis junctim, seu cœlesti, est exhilarationis in vita æterna nunquam cessaturæ.* Fundatur id non solum in *Vet.* *Testam.* *Esa.* 66: 23. ubi Dominus ita: *Erit mensis de mense ejus, & de tempore שְׁבָת בְּשַׁבָּתוֹ, Sabbathum ejus;* Sed & in *Novo*

Novo Ebr. 4: 6. § v. 9. Itaque relinquitur
 $\alpha\pi\beta\beta\alpha\gamma\sigma\mu\delta\ \gamma\omega\ \lambda\alpha\omega\ \tau\delta\ \theta\epsilon\delta$. Et sane vita æ-
 terna aptissime confertur Sabbatho, uti pie
 differit B. D. Lyserus in Adamo p. 141.

CAP. III.

$\alpha\gamma\alpha\sigma\kappa\kappa\eta\alpha\sigma\eta\kappa\eta\gamma$.

§ I.

UTrum præceptum de Sab-
 batho DEO sanctificando,
 ante repetitionem Legis Mora-
 lis Sinaiticam, Adamo in statu
 innocentiae, & posteris ejus, in-
 tra gremium Ecclesiæ constitu-
 tis, innotuerit § Aff.

§. I.

Dicere quis poterit, nos Iliada post Ho-
 merum adornare, cum præter piissimos Ec-
 clesiæ Orthodoxæ Doctores, quorum accu-
 ratissimæ de hac quæstione extant lucubratio-
 nes, etjam vergente hoc seculo inter Theo-

logos Belgas, Franciscum Gomarum (a quo Remonstrantes Gomaristarum nomen primum acceperant) & Rivetum, Amesum ac Valeum, seqvacesque, controversia Sabbatharia servide fuerit agitata. Sed vix jam reperire licebit quidquam in tanta literarum culuscunque Facultatis luce, argumentum, quod non a decessoribus nostris modo quocunque attractum fuerit. Docendo discimus: Discendo docemus. Quod vero ad propositam quæstionem, notum est, eam argumentis, & numero plurimis, & pondere maximis, esse affirmandum.

§. II.

(I) Evidentia adsunt Scripturæ loca: (α)
*Gen. 2: 3. Et benedixit DEUS diei septimo,
& Sanctificavit eum, quia in eo ceſſaverat ab
omni opere suo. Illa autem sanctificatio ni-
hil erat aliud, quam destinatio ad usus sacros.
Sanctum enim est, inquit B.D. Waltherus,
quod ita fit segregatum, ut DEO sit appropria-
tum. Sanctificavit autem sic diem illum, non
ratione sui, in abstracto, sed in concreto,
ratione istius operis, quod jussit in eo fieri,
quia dies est mensura operum, ut loquitur
Bonaventura in II. Senient, dist. 15. (β)*

Exod. 16: v. 23. dicit Moses ad populum: *Hoc (est) quod locutus est Dominus, Schabbathon Schabbath = Kodæsch (quies Sabbatbi sanctitatis) Domino cras.* Vid. vers. seq. 25. item v. 26. Denique v. 29. Ubi & vox *sanctificandi*, & pronomen *Vobis*, aperte ostendunt, Sabbathi celebrationem *relative* debere intelligi, in *χρεοις* & respectu ad homines, quibus hoc præceptum, de Sabbatho sanctificando, erat primitus nunciatum. (γ) DEUS præceptum tertium de sanctificando Sabbatho promulgans, non ut de re futura, sed præsenti, & præterita, loquitur, dum ait Exod. 20: v. 4. זכור, recordando, sub intellige imperativum זכור, recordare (more loquendi Ebraico, id est, omnino & sollicite recordare:) diei Sabbathi ad Sanctificandum eum. Causam Sanctificationis in v. II. subjungit Dominus. Locus est parallelus Deut. 5: v. 12. Ubi eodem sensu legitur זכור, observa, custodi. Cujus autem recordari jubentur, ejus penitus ignari esse non potuerunt. (δ) Huc non injuria traducunt locum Ebr. 4. v. 1. ad 10.

§. III.

(II.) Probant hoc ipsum *Exempla*, nem-

pe Sabbathum ante promulgationem Legis fuisse observatum. (a) *Abelis*, qui Gen. 4: v. 4. sacrificavit, & obtulit Domino de primogenitis gregis sui, & de adipibus eorum. Et respexit Dominus ad Abel, & ad munera ejus, nimirum inflammando, & ignem sacrum cælitus super oblationes depluendo. Atque hinc Ebr. II: v. 4. Fide dicitur obtulisse πλειον Ἰουστιανὸν DEO, quam Cain, & per eam testimonium consecutus, quod justus fuerit. Justitia autem fidei sacrificiis fuit, procul dubio, confirmata, si non acquisita. Illa vero Patriarcharum sacrificia, typos Messiae elegantissimos, fidei adminicula, & divini cultus exercitia, certum est, fuisse oblata, non inter vulgares labores, sed die peculiari: quia offerebantur cum grata DEI acceptione tantum a mundis, & iis, qui sacris vacabant operibus, & pietatis exercitiis. Quo etiam referri potest, quod Henoch Gen. 5: v. 24. (si Setho Calvisio in Op. Chronol. fides habenda) ad vitæ æternæ gaudia translatus sit in Anno Sabbathico, & procul dubio etiam in Sabbatho hebdomadario, spectantibus Patriarchis, & operantibus sacris suis: quo venuste subinnuitur Sabbathum alterius seculi,

seculi, cuius ille æternitatis candidatus factus est particeps. (β) *Noachi*, qui, ut *Gen. 8: v. 10. 11.* legitur, columbam post septem dies, a primo ejus reditu, emisit, quæ cum rediisset tempore verspertino cum ramulo olivæ, iterum non fuit emissa, nisi post Septem dies alios. Hoc factum nonnulli non inepte referunt ad Sabbathi mysterium. (γ) *Israelitarum*, de qvibus ante legis publicationem, *Exod. 16: v. 30.* exerte dicitur ישבתו Sabbathizaverunt populus ille in die Septimo. Neque (δ) silentio involvendum, quod B. D. Waltherus in *Spongia Mosaica*, haud sine ratione & pie decernit, scilicet Adamum in statu adhuc innocentæ primum cum ipso DEO, Domino & Creatore suo, celebrasse Sabbathum in paradiſo. Illi ὥμοψηφ@ est B. nosster Lutherus; qvi^l, qvamvis fol. 32. in *Gen. lapsum* contigisse dicat in primo Sabbatho, tamen concedit, Sabbathum ante peccatum a protoplastis fuisse celebratum: *Die Sabbatho*, inquit, mane *Adam* *Hevæ concionatus de voluntate DEI*, quod *benignissimus DEUS* totum Paradiſum condiderit, ad usum & voluptatem hominum, quod etiam lignum uitæ singulari bonitate creaverit, cuius usu

restaurarentur vires corporis, & retineretur
perpetua juventa; unam autem arborem scien-
tia boni & mali esse probitam, ex qua non-
liceat comedere: hanc obedientiam benigno con-
ditori prestandam esse. Hac forte cum dixit,
in Paradiſo Hevam suam circumducens Adam,
prohibitam arborem ei ostendit. Ita Adam
& Heva florentes innocentia & justitia origi-
nali, pleni securitate, propter fiduciam in DE-
UM tam benignum, deambularunt nudi; tra-
ctantes verbum & mandatum DEI, benedicen-
tes DEUM, sicut in Sabbatho decet. Sed & se-
cum conciliari potest vir ille divinus, quia
in discursu hoc transcripto dilucide verba
priora de primo Sabbatho videtur exponere,
non de primo-primo, eo ipso scilicet, quo
DEUS Sabbathum instituit; sed de Secundo-
primo, eo, quo Adam Sabbathum de facto
institutum celebrare debuit. Hujus senten-
tiæ est B. D. Lyserus p. 138. & 140.

§. IV.

(III) Rationes assertum illud com-
probant non plane temnendæ. (a) Non
est ullus modo verisimile, familias sancto-
rum Patriarcharum, ante- & post - dilu-
vianorum, caruisse aliquo die, cultui
di-

divino consecrato, quandoquidem alio-
quin videmus reliqua DEI cultum spe-
ctantia ab iis studiose fuisse observata. Quam-
vis Rabbi Mosi MaimonidIL.2. *More Nevo-
kim*, seu ductoris dubiorum, c. 32. facile
concedamus, *Hebreos*, cum essent in Ægy-
pto, & dura premerentur servitute, non semper
fecisse, quicquid volebant, quin potius labora-
re & operari coactis nullum fuisse concessum
diem, quo in cultum & honorem DEI potuis-
sent feriari: inde tamen non evincitur,
quod vel patres ipsorum, vel ipsi primis annis
habitationis suæ in peregrina terra Sabba-
thum nec celebraverint unquam, nec postre-
mis temporibus celebrare voluerint, utut
id minus præstare potuerint.

§. V.

Contra vero hæc, etiamsi satis valida, sta-
tuerant olim *Eusebius*, *Justinus Martyr*, &
& *Phil.* in *Dial.* cum *Tryph.* *Tertullianus*,
& *Cyprianus* adv. *Jud.* sed &, ex recentiori-
bus, *Toftatus* L. 3. in c. 23. *Lev.* *Pererius*,
lib. I. in *Gen.* nec non *Gomarus*, ante nomi-
natus, id ipsum cum asseclis statutum eunt.

Objectio (I) *Supervacaneum fuisse in
statu innocentie, homini ad imaginem DEI
creato*

creare præscribere certum aliquem diem ad vacandum DEO & rebus divinis, quia tum nihil erat, quod hominem a contemplatione DEI avocaret, sed ipse sponte sua ad DEO serviendum erat propensissimus. Et nihil erat, quod homini labore, molestiam, aut pœnam aliquam afferret, ut præcepto habuerit opus de vacando a labore & opere servili. E.
 Resp. (α) Nullam hic esse consequentiam: Adamus novit ex sapientia sibi concreata DEUM esse colendum, E. præcepto, certum diem determinante, ipsi non erat opus. Pari ratione liceret inferre: Adamus ex imagine DEI norat soli DEO esse adhærendum, E. præceptum de arbore scientiæ boni & mali erat supervacaneum: imò inscriptio legis naturæ in corde Adami primæva ea ratione foret dicenda supervacanea. Quæ sunt ἀνακόλυθα. (β) Licet Adamus in statu integro nullam laborando sensisset molestiam, laborare tamen eum per sextiduum oportuisset, & nihilominus peculiarem diem ad specialiorem cum DEO familiaritatem observare: qui septimo commodior dari non potuit, quippe quem DEUS ipse cessationi & quieti designaverat, eumque

que in gratiam hominis sanctificaverat.

Object. (II) Tradunt Theologi non infimi commatis, DEUM Adamo non posuisse aliud præceptum positivum, quam illud de non edendo fructu arboris scientiæ boni & mali. Præceptum autem de observando Sabbatho constat esse positivum, quia licet ad legem naturalem cultus divini pertineat, tamen circumstantia temporis, & cessatio ab omni opere uno die, præceptum est positivum, quod a lege naturali non determinatur.

Resp. (a) Gratis dici, a quocunque demum dicator, DEUM non posuisse Adamo ullum aliud præceptum positivum, quam de non edendo fructu arboris vetitæ, cum & præceptum dederit in primæva Conjugii institutione, de adhæsione mariti ad uxorem, & in illo casu derelictione parentum. (β) Aliud est dicere, DEUM dedisse præceptum de Sabbatho, septimo die sanctificando, explicite, formaliter, & κατὰ γράμμα: aliud dedisse implicite, virtualiter, & κατὰ διάνοιαν. Si prius negatur, quod tamen haud negari potest: posterius certe immota veritate affirmabitur. Quid enim aliud est, benedicare diei septimo, & cessationem ab opere significal-

ficare, quam dictum diem ad sui exemplum
hominibus demandare sanctificandum?
(γ) Præceptum de non edendo fructu arbo-
ris vetitæ non satis accurate appellatur po-
sitivum; sed convenientius negativum, cum
negativis verbis sit conceptum; aut, ut qvi-
dam discipiunt, privativum: quamvis infi-
cias iri nequeat, qvin positivum aliquando
dicatur in oppositione ad naturale; & ita
leges latæ dicuntur positivæ, respectu ad
Naturales; quandoque in oppositione ad
negativum & privativum.

Object. (III:) Si præceptum de Sabbatbo
in statu innocentia & post lapsum, ad Legisla-
tionem Sinaiticam obtinuisse; utique id
omnibus hominibus, in primo illo homine,
qui totius posteritatis suæ stirps erat, da-
tum esset. Ast liquet, observationem Sab-
batbi apud omnes gentiles in consuetudine
non fuisse, neque Sanctos Patriarchas diem
Sabbati observasse, usquam legimus. E.
Resp. (α) Consequentiam hujus illationis esse
plane invalidam: Præceptum de sanctifican-
do Sabbatho non erat observatum ab omnibus
Adami posteris; Ergo neque datum Adamo.
Hoc esset vim inferre omnibus legibus re-

vera quidem latis, sed per negligentiam non servatis. (3) Dicere Patriarchas non obser-
vasse Sabbathum, est petere τὸ ἐν ἀρχῇ. (7) Gentiles etiam aliquem cursus hebdoma-
darii diem, si non omnes septimum, cul-
tui qualicunque destinasse, superius assertum
est.

Object. (IV) Neque Moses memorat, Isra-
elitis Sabbathum fuisse ex præcepto divino usita-
tum, ante Legislationem Sinaiticam; Sed e
contra plerasque adfert rationes, quæ spectare
videntur tempus liberationis populi ex Ægy-
pto: nam Deut. 5: 14. feriari vult peregrinum
et advenam, qui non nisi respectu populi Is-
raelitici talis; Et v. 15. cause loco ponit servitu-
tem Ægyptiacam, cur Sabbathum sanctificandū:
Memento, inquit, quod & ipse servieris in
Ægypto, & eduxerit te inde Dominus DE-
US tuus in manu forti & brachio extento.
יְהוָה, idcirco, præcepit tibi, ut observares
diem Sabbathi. Pariter Exod. 31. v. 13. intro-
ducit DEUM sic loquentem Israelitis: Vide-
te, ut Sabbathum meum custodiatis, quia
signum est inter me & vos in generationibus
vestris, ut sciatis, quia Ego Dominus sancti-
fico vos. Unde & Ovid, lib. 1. de Arte canit:

Cul-

Cultaque Iudeo Septima sacra viro.

Resp. (α) Neque hæc ratiocinatio premit: quia nulla adfuit urgens necessitas, cur Moses debuerit notificationem celebrandi Sabbathi inveteratam Israelitis toties refricare: verum habuit rem pro concessa & confessa undiquaque. Sed nec Moses repetivit factum Patriarchæ Jacobi, deos alienos abominantis, *Gen. 35. v. 2.* neque legem ipsius DEI de non effundendo, sanguine humano, *Gen. 9. v. 6.* quod tamen in recitatione Decalogi, ad religiosam præceptorum observationem non parum fecisse videri potest.
 (β) Satis ergo erat Mosi, primam atque primariam causam, nempe cessationem Domini ab omni opere creationis, & diei istius sanctificationem indigitasse; etiamsi Judæi, privatis & propriis rationibus, ad Sabbathi observationem magis etiam erant obstricti.

§. VI.

Evidet, quod speramus, Sabbathi celebrationem obtinuisse inde a mundi initiosis, tam temporibus ante-quam post-diluvianis, in populo DEI; litem insuper movent Calviniani orthodoxis, non quidem de divisione Decalogi prima in duas Tabulas, (quippe quæ à un-

neque habetur *Exod. 31: 18.*) neque de denario præceptorum numero, qui exstat *Exod. 34: v. 28.* Sed nec de contentis Tabulæ prioris & posterioris ; quarum illa ordinat ad amorem DEO, hæc proximo, suis utraque rationibus, exhibendum : verum de numero præceptorum, Tabulæ prioris & posterioris, sigillatim : adeo ut quæratur :

An præceptum de Sabbatho sanctificando sit tertium ? quod Orthodoxi ; vel quartum in ordine ? quod Calviniani volunt ?

Resp. Non quartum, sed tertium esse, multi ex antiquitate pia, cum B. Megalandro, & nostratis iure statutum : & sic frustra sunt, nodumque in scripo quærunt, Zuingiani Neoterici, qui in præcepto primo DEOS alienos propriedictos, quales sunt gentilium *Baal, Astaroth, Dragon, Jupiter, Hercules, &c.* prohiberi contendunt : in Secundo vero Deos alienos *improprie & metaphorice tales*, nempe imagines & sculptilia, quæ eiusmodi deastros repræsentant. Verum enim vero cum dii alieni, sive *proprie*, sive *impro-*

prie dicti, in primo præcepto prohibeantur, sculptilia quoque & imagines, ad cultum factæ, sint dii alieni, Gen. 31: 20. 32. 34. Exod. 20: 23. &c. constat ergo, quicquid sapit alienum cultum & idololatriam, sub primo præcepto contineri; quod injuria divellunt Sectarii. Qvæ Marcus Frider. Vendelinus Theol. suæ Christ. lib. II. c. 4. p. m. 781. seqq. diluendis recte sentientium pro suo asserto rationibus applicat, affatim a nostratisbus, in primis B. D. Conrado Dieterico in Instit. Catechet. explosa reperies. Est itaque calumnia adversariorum, dicentium, Catechesin nostram esse mutilatam.

QVÆST. II.

Num a Christianis recte fiat, & salva conscientia, qvod loco septimi diei Sabbathum celebrent primo septimanæ die, nempe Dominico? Aff.

§. VII.

Disputatio de hac Qvæstione aliter est instituenda cum Judeis, aliter cum Christianis

rianis: cum illis ex solo Testam. Veteri agendum: bis vero invicta suppetunt argumenta in scriptis Evangelistarum & Apostolorum, mutationem septimi diei πρὸς ὅμιλα demonstrantia. Cum vero palmaria Judæorum criminatio in eo vertatur, quod Sabbathum, præcipua cultus divini tessera, a Domino IESU & Discipulis ejus sine auctoritate & ratione sit sublatum, proinde ratiunculæ Judæorum, quas blasphemō ore demurmurant, in medium hic primo omnium venient producenda.

Object. (I) *Lex de Sabbatho, ex intentione DEI, est æterna & inviolabilis Exod. 31: 16.17. E.*
 Resp. (a) Illud בְּרִית עוֹלָם non importat infinitam & absolutam æternitatem, sed tantum temporariam & periodicam, quæ esset extendenda ad durationem politiæ Judaicæ; cuius excidium fuit occasus & templi, & Sabbathi, & ceremoniarum omnium. Unde dicit Scriptura חֲקִים וּמְשֻׁפְטִים ceremonias & iudicia, בְּקָרְבֵּן הַארֵץ in medio terræ, quam possessuri essent, servanda. Deut. 4: 5. nec non 5. & 6: quod utique διεκτικῶς & διαχρονικῶς a Spiritu S. ita est disignatum. Ipsi etiam Talmudistæ fatentur, quod docet Galatinus lib. II: c. 3. & 4. talia extra terram promissionis

non obligare. (β) Annon perpetuitas in Scripturis æque assignatur regno Davidis, Tzioni, sacrificiis, & aliis id genus observationibus legalibus, ac Sabbatho? qvorum tamen omnium occasum ne ipsi quidem Judæi diffiteri possunt. (γ) Aeterna ergo & inviolabilis est censenda lex de Sabbatho quoad morale, quod est juris naturalis & aeterni, respondetque imagini divinæ, notionibus boni & mali, honesti & turpis; non autem qua ceremoniale, quale quid est circumstantia septimi diei, qvæ est juris positivi tantum & temporarii.

Object. (II) Nihil majore religione à DEO imperatur hominibus, quam observatio Sabbathi, id est, septimi diei: Nec quicquam populo Judaico crebrius impingitur a Prophetis, quam quod in Sabbathi religionem peccarint. Vid. Nehem. 13: v. 16, 19. seqq. Esa. 58: v. 13. Ier. 17. v. 21, 27. Ezech. 20: v. 12, & 22. v. 8. Ergo: Resp. (α) Sabbathorum observatio interdum usurpatur a Prophetis Synecdochice, pro observatione totius cultus divini. (β) Distinguendum id, quod morale in Sabbatho, ab eo, quod ceremoniale. Utrumque imperatum ad tempora diogdōeas, Ebr. 9. v. 10, prius tantum post illa, Merito ergo

Judæis imperata *Sabbathorum observatio*,
merito eorum quoque profanatio impacta,
scilicet quamdiu lex illa vigorem suum ha-
buit, & habere debuit. Alia autem est ra-
tio viventium temporibus mutati jam Sacer-
dotii.

Object. (III.) *Expressè dicit DEUS Exod. 31:16,*
17. ante allegato, quod filii Israel debuerint ser-
vare Sabbathum in generationibus suis, & quod
Sabbathum sit inter DEUM & filios Israel,
*signum in seculum. Ergo necessitas diei se-
ptimi juris est perpetui.*

Resp. (a) Notabile prorsus est, qvod Mo-
ses dicit ad filios Israel, Sabbathum esse si-
gnum לְדֹרְתָּם in generationibus suis, eis tās
yēvās āvāw v. 16 & in v. 13. לְדֹרְתֵיכֶם in ge-
nerationibus vestris, eis tās yēvās ūmāw. Li-
qvet enim hinc, legem illam Sabbathorum,
qua diei septimi circumstantiam, debuisse
durare, quamdiu duratura distinctio gene-
rationum filiorum Israel. Ostendant no-
bis hodie Judæi רְתָם generationes suas, di-
stingvant tribum a tribu indubitatis κείτησις,
& res confecta erit. Ast ex quo synagoga &
politia Judæorum excisa est & esse cepit,
tribus etiam omnes ceperunt confundi, ex-
hibito scilicet Jesu Nazareno. (β) Sabba-

thum illud Judaicum erat signum *distincti-*
vum, Judæorum a gentibus; ergo illud us-
 que tempus duntaxat servandum, quo dura-
 vit distinctio Judæorum a gentibus. Illa ve-
 ro jam dudum sublata, Rom. 10: v. 12. Gal. 3.
 28. Epb. 2: v. 14. Quod argumentum eo fir-
 mius, quia Petrus Galatinus observat lib. II.
De arc. Cathol. Veritat. c. 9. Ipsam Judæorum
 glossam restringere præceptum istud de Sab-
 batho ad Judæos. *Et quid est, dedit vobis*
Sabbathum? *Quia vobis scil. Judæis dedit,*
& non gentibus seculi. Quod si ita est, non
 obligantur **נַעֲמָן**, gentes ad Sabbathum; uti
 dictus Galatinus aliam ibidem glossam citat
 R. Jobanan. Ex allegatione Spanhemii.

Objectio (IV.) Si DEUS voluisset mu-
 tatum Sabbathum, utique publice id abrogasset,
 quod publice præcepit. At publice non abroga-
 vit. Ergo.

Resp. (α) Falsum est, quod dicunt Sabba-
 thi circumstantiam divina auctoritate non
 esse mutatam: DEUS enim in filio suo, qui
 Dominus est Sabbathi, id perfecit. (β) Spi-
 ri-
 tus S. jam olim prædixerat, Esa. 66. v. 26.
 abrogationem Sabbathi Iudaici tempore Mel-
 siæ. Similiter a DEO prædictum Jer. 31. v.
 31. 32. quod foedus illud vetus aliquando es-
 set

set antiquandum, & novum substituendum. Adde locum Malachiæ cap. I: ii. de מנחה
& מקטר offerendis in omni loco, & qvo-
vis tempore, cum eadem utriusque circum-
stantiæ sit ratio, eadem necessitas.

(V.) Eadem est ratio præcepti de Sabba-
tho, ac aliorum in Lege; Non occides;
Non furaberis &c. In eodem enim ordine
singula colloquuntur. Si Sabbathum est mu-
tabile, idem utique de aliis cogitari & inferri
potest.

Resp. (a) Peccant hic elencho Parium
apellæ: quia reliqua præcepta sunt moralia
tantum; præceptum vero de Sabbatho mixtum
ex morali & ceremoniali. Eadem itaque
ratio præcepti hujus quoad id, quod in eo
morate, quæ aliorum; non vero quoad id,
quod in eo ceremoniale. (β) Si ne Israelitæ
quidem ipsi septimum diem, præcise a Cre-
atione, post tempora Iosuæ sanctificarunt,
vel sanctificare potuerunt; sequitur nec
nos ad illius diei sanctificationem præcise te-
neri. Consequentia est evidens. Antece-
dens probatur ex Iosuæ 10: 13. Et expectavit
sol, & luna constitit, donec ulcisceretur gens
de inimicis suis. Annon hoc scriptum in libro
justi? Stetit ergo sol in medio cœli, nec festi-
navit

NAVIT OCCUMBERE תָּמִם, circiter die inte-
 gra. LXX. ἡ μέση πορευεῖσθαι εἰς δυσμὰς εἴς τὸν
 γῆρας μᾶς. Ubi תָּמִם יוֹם est שְׁלָמָם?
 Hanc diem Judæorum alii ad triginta sex ho-
 ras protrahunt, alii ad quadraginta octo. Sie
 Justinus Martyr, Dialogo cum Tryphone
 Judæo, diem il'um producit μεχετήν τριά-
 νον & ἔξ. Ecclesiastici autem Scriptor cap.
 46. §. unum illum diem ad duos extensum
 dicit: καὶ μία ἡμέρα ἐγενήθη τεσσάρων
 Philosophantur etiam ipsi Judæi super die pro-
 tracto tempore Ezechiæ, quo volunt solem,
 cum jam pervenisset ad decimam lineam,
 adeoque jam horas decem confecisset, toti-
 dem horas exegisse, primam lineam sen-
 sum repetendo; ab ista vero rursus ad duo-
 decimam lineam, hoc est, occasum, por-
 gressum esse; quæ omnia triginta duas ho-
 ras conficiunt; quamvis incertum sit, utrum
 posteriori hoc loco retrocesserit sol cum
 tanta mora? utrum citius? ex hypothesi
 tamen Judæorum, qui prius contigisse vo-
 lunt, liquet, inde a temporibus illis haud
 quaquam diem septimum a creatione præ-
 cise sanctificatum. Si itaque sanctificatio
 Sabbathi, inde a creatione, in septimi di-
 ei circumstantia præcise sita esse debuit, pe-
 riit

riit ipsis Judæis jam pridem Sabbathi religio. Plura etiam sunt, qvæ coacervant Judæi, pro septimi diei observatione, somnia, a Theologis Christianis ad nauseam usque discussa. Interim videatur Buxtorffius in Synagoga Iudaica p. 242. seqq. & B. D. Thummius in Tract. de Festis, p. 12. seqq.

§. IIIX.

Eo erroris prolapso sunt pessimi qvondam hæretici Ebionitæ, qui referente Eusebio lib. 3. Hist Eccl. & Epiphanio in Panario Hær. 30. Ecclesiæ, tanquam necessarium, obtrudere audebant, Utriusque Testamenti festa, Sabbathum nimirum *vetus*, seu *septimum*, & *Dominicum*, sive *primum diem*, Christianis esse observanda. Etrorem qvem nonnulli renovarunt tempore Gregorii Magni, uti constat ex libro ejus II. c. 3. Scribitur etiam, Christianos in Æthiopia hodieque degentes, Sabbathum & diem Dominicum eodem habere honore. Qyamvis id forte faciant ex libertate, qvam prætendunt, qvemadmodum Circumcisionem & Baptismum una retinent, renovantes insuper Baptismi sacramentum qvolibet anno. Neque tamen ex circumcisione, sed ex fide JESU Christi, se salutem consecuturos asserunt, ideoqve se su-

os circumcidere infantes causantur, ut Abrahami & aliorum sanctorum Patrum exemplum sibi ob oculos proponant, & illo monumento commoniti, acrius & ardentius, in similis sanctitatis studium incitentur. Vid. Mich. Neander in Or. de Æthiop. Philip. Nicolai lib. I. de Regno Christi c. I. Sed accuratius adhuc B. D. Kromaijerus noster in Scrutinio Religion. Disp. X. Nec potest esse ignotum ἔγκλημα, qvod Megalander tortvet in qvosdam nomine tenus Christianos, unum cornu cum Judæis, de stricta septimi Diei Sanctificatione, inflantes, qvos ea de causa Sabbatharios appellat, & peculiari qvadam Epistola, Tomo 7. Jen. German. perstringit. Prateolus nominat illos, qvod sint sectæ Anabaptistice, in Elencho Hæreticor. p. 429. qvi Staphylo auctore, Sabbathum colant more Judæorum, diem Dominicum aspernentur, solumqve Patrem invocent, Filium & Spiritum S. videantur negligere.

§. IX.

Controversiam cum Iudæis de translatione diei Sabbathici, taliter qualiter expeditam, excipiunt argumenta plane immota, ex Novo Test. petita, Sabbathum Christiano-

anorum justificantia: qvorum haud postremi commatis sunt sequentia.

(I) *Q. ceremonialia sunt & typica, omnia, qua talia, sublata. Septimi diei measuris erat Iudeis, tantum prescripta ceremonialis. E. Nobis Christianis sublata.*

Major fundatur in natura & indole typorum ac ceremoniarum: qvia, adveniente corpore, cessat umbra. Vid, etiam Gal. 3: 24. Minor superius est adserita.

(II) *Testatur DOMINUS Mar. 2: 22. ad 28. Sabbatum factum propter hominem, non hominem propter Sabbathum. Et Filium hominis esse Dominum Sabbathi, adeoque illius sanctionem aliis esse naturae a preceptis aliis, secundum aliquid sui; obnoxiam etiam Filio hominis, qui ejus abroganda potestas tem habeat. Conferens Matth. 12: 1. ad 9. Luce 6: v. 1. ad 6. Ergo. Quæ incomparabilis B. D. Chemnitius in aurea sua Harmonia in hanc rem differit, non inutili opera hue traducuntur.*

(III.) *Ipse DOMINUS Matth. 12: 3. 4. s. 6. 7. Sabbathum eodem censet ordine, (puta qua ceremoniale, formaliter sumptum, & ut genus) quo ceremoniae aliae legales; inter quas institutio de panibus propositionis &*

Sacerdotum λειτουργίας in Templo. Ergo.

IV. Accedit argumentum plane invictum, quod *Col. 2: v. 16. 17.* habetur; ubi Apostolus primo sabbathorum observationem cum ceremonialibus aliis, ut homogeneum quid conjungit, cum observatione nimis distinctionis ciborum, dierum festorum & novilunii: Secundo illa omnia vocat σκιὰν τοῦ μελλόντων, umbram rerum futurarum: tertio opponit Christum ut corpus, in quo, & per quem, res signata fuerit exhibita. Nec licet excipere, per *Sabbatba* ibi intelligenda festa tantum alia ceremonialia & typica, non Sabbathum septimi diei. Præterquam enim quod vox generalis ibi repetitur, & quæ Sabbatha hebdomadaria includit, manifesta ibi sit distinctio inter ἐορτὴν, festum, νεομηνίαν neomeniam, & τὸ οὐβάτον, *Sabbatba*. Ergo Sabbatha hic diversa a festis aliis. Adde, Sabbatha illa καὶ ἔξοχην talia dici, quæ tertio præcepto lancinga, frequenter recurrent, & quorum religione videbantur teneri Christiani, de quorum observatione ambigebatur potissimum nascente Ecclesia Christiana, & quorum observationem exigeabant Judæi & *Sabbatharii* alii inter primos Christianos, qui vel diem septimum a Christianis obser-

van-

vandum docebant, vel Iudæorum Sab-
bathum cum Sabbatho Christianorum
conjungendum celebant, inter quos Ebio-
nite. Nec male in dicto loco observatur,
verba & ēt, non esse diangilinā, sed aīnoloyinā,
nec ita intelligenda, quasi dicat Apostolus,
non esse servanda sabbatha illa, quæ sunt umbra
rerum futurarum; sed ideo sabbatha non esse
servanda, quia sunt umbra rerum futurarum,
quarum corpus Christus. Idem Paulus de
observatione dierum, Christianis non usque
necessaria, differit Rom. 14: v. 6. & Gal. 4: v.
9. 10. 11.

(V.) Specialissime constituit Paulus 1. Cor.
16: v. 1, 2. ut primo quoque hebdomadis
die Collectæ instituerentur in Ecclesia Co-
rinthiaca, perinde ut antehac fecerat in
Galatica. De collecta, ait, quæ in sanctos,
sicut ordinavi ecclesiis Galatæ, ita & vos
facite, nata piaev Sabbathorum unusquisque
vestrum apud se reponat recondens, quod
bene successerit. Ubi per piav œfēcātōv
primum post Sabbathum Iudaicum intelli-
gi debere planum est.

(VI.) Ipsa Apostolorum exempla non
minus sunt notanda. (a) Constat de omni-
bus, quod in die Pentecostes fuerint coacti,

ut inter publicas preces , & alias cultus
 divini partes acciperent Spiritum Sanctum.
 Dies autem Pentecostes prima erat hebdo-
 madis , qvia dies Resurrectionis , a qvo
 quinqvaginta dies ad Pentecosten , ideo sic
 græce nominatam , numerandi erant , (β)
 De Paulo novimus ex Act. 20: 7. qvod ,
 postquam discipuli convenissent , ad frāgen-
 dum panem , in uno Sabbathi , prædicarit
 verbum Domini usque in medium no-
 tem. (γ) De Johanne liquet , qvod eo-
 dem primo die fuerit , in Spiritu , h.e. preci-
 bus , devotioni , & meditationi rerum sa-
 crarum vacaverit , acceperitque illo ipso
 die omnes illas suas de statu totius Eccle-
 siæ , tam militantis , quam triumphantis ,
 visiones abstructissimas , quas per Apoca-
 lypsin reliquit consignatas.

(VII.) Ipse DOMINUS JESUS exemplo
 suo idem confirmat , dum non solum Sab-
 batho ægrotos curavit , sed & primo septi-
 manæ die plerumque docuit , & miracula
 exeruit divinissima , utpote conversionem a-
 que in vinum , Job. 2: 1, II. tranquillatio-
 nem maris Luc. 8: 22. saturationem quinque
 millium hominum per multiplicatso quinque
 panes & duos pisciculos. Existimatur etiam
 quibus-

quibusdam initio diei Dominici natus, & in Iordan baptisatus; quin in illo resurrexisse cognoscitur ex Mattb. 28. v. 1. & ingressus Januis clausis ad suos discipulos, communicatum illis SPIRITUM S. potestatem remittendi peccata, ex Joh. 20: v. 19. Octiduo post reversus. v. 29.

(IIX.) Denique non major stringit necessitas Christianos ad servandum tempus cultui Judaico destinatum, quam locum, scil. templum Ierosolymitanum. Uti duo illa conjunguntur Lev. 19: v. 30. Christianos autem ad certum locum non esse alligatos, constat ex Joh. 4: v. 21. 23. Mal. 1. v. 21. Ergo.

§. X.

Tandem eo devolvimur, ut queratur: I. An diei Dominici institutio sit juris Divini, an positivi? An Christum habeat auctorem, an Apostolos? II. An Apostolorum constitutio censenda sit, an Ecclesiastica tantum? III. An immediate a Divina auctoritate profecta, an mediate? IV. An mutabilis sit, vel non?

Pontificii tradunt diem Dominicum introductum ex traditione & auctoritate Ecclesiastica. Quidam Theologorum dicunt ab Apostolis & Eccle-

*Ecclesia Apostolica diei hujus natales & autoritatem pendere, præscindendo, an ex libera constituzione ecclesiastica, boni ordinis causa? an vero iure & mandato Divino speciali? ut hoc illorum facto nos adhucdum ad certum diem adstringamur. Non desunt qui definunt, hunc diem immediate ab ipso Christo esse designatum, adeoque juris esse divini. Nonnulli etiam statuunt, præceptum & exemplum Apostolorum, de hoc die esse juris Divini, & consequenter observationem ejus immutabilem. Nostrum quidem non est, hanc litem inter tot tantosque magni nominis Theologos velles aut posse componere. Id tamen salva cuiusque auctoritate pronunciamus, nempe Apostolos primis annis Ministerii sui utrumque diem, *Sabbathi & Dominicum*, simul applicasse exercitiis sacrī, *Sabbathisque* disseruisse cum Judæis, *Dominicisque* autem diebus celebrasse mysteria sacra cum Christianis. Nam Act. 13. v. 14. seqq. Paulus & Barnabas Antiochiae ingressi Synagogam, docuerunt viros Israelitas e fratribus conversos, & a Judaismo aversos, die Sabbathorum. Quibus exuntibus aliqui v. 42. rogabant, ut & quem*

quenti Sabbatho , quo illucescebat Dominus
cū, loquerentur sibi verba hæc. Sic Paulus i-
terum *Philippis* concionatus est die Sabbatho-
rum. *Act. 16: 13.* & *Theffalonice* de Scriptu-
ris differuit per tria Sabbathæ. *Act. 17: 2.*
Post Apostolorum tempora in Ecclesiis Ori-
entis, Græcis plerisque , uterque dies , diu so-
lenniter fuit observatus. Leguntur etiam in
Constitut. sub nomine Apostolorum hæc :
*Sabbatum & Dominicum diem festum agi-
mus, quoniam ille naturæ conditæ est mo-
numentum , bic resurrectionis.* Gregorius
quoque Nyssenus in *Orat. ad eos*, qui repre-
hensiones ægre ferebant , non existimat,
Dominicum diem ab iis rite potuisse cele-
brari, qui diem Sabbathi festum non duxe-
rant: *Quibus oculis , inquit, vides diem Domi-
nicum, qui despicatus es Sabbathum? An nescis
quod hi fratres sunt? Quod si alterum
probro affeceris, alterum offendis.* Et *Anasta-*
sius Nicænus ait : *Sabbatum & dies Do-
minus sunt dies sancti & festi, neque licet in
eis jejunare.* Hinc dubio procul mos ille
hodieque observatur apud Abyssinos , de
quibus supra. Et quamquam in Ecclesia
primitiva diei Dominici observatio , tem-

Pore Apostolorum , virorumque Apostolico-
rum , manserit immota : sequoribus tamen
temporibus , grassantibus in Ecclesia per-
secutionibus , sublatisque per illos fidis Eccle-
siæ Doctoribus , languescere cepit , & qua-
si emori , dicti diei sanctificatio , adeo , ut
Constantinus Magnus , Κωνσταντῖνος , e re habue-
rit , primum septimanæ diem , quem *solis*
vulgo nominant , in locum Sabbathi , pu-
blico cultus divini exercitio ante destina-
tum , (quia **CHRISTUS** eo die a mor-
tuis resurrexit ; vide *Mattb.* 28: 1. *Marc.* 16. 1.
unde audit ἡμέρα κυριακὴ *Apoc.* 1: 10.) pecu-
liari postea constitutione confirmare , An-
no Domini CCCXXI. referente Eusebio
lib. 4. de vita Constant. c. 18.

§. XI.

An vero ab ipso **CHRISTO** *imme-*
diate facta fuerit translatio Sabbathi in diem
Dominicum ? res est solutu intricior . B.D.
Chemnitius p. 336. L. L. negat , & dicit , Chri-
stum sua resurrectione sanctificasse primam
Sabbathorum , id est , hebdomadis , non hac
opinione , quod sub necessitate salutis ser-
vandus

vandus sit dies Dominicus, scil. *formaliter* spectatus; sed quod voluerit mutationem illam esse publicam professionem, quod Christiani sint liberati a necessitate discriminis dierum; ideoque diem Dominicum in N. T. non servari ea necessitate, qua Sabbathum in lege fuit observatum; sed ea libertate, qua Christus per resurrectionem suam umbram discriminis dierum voluit abrogare, & septimum diem, *formaliter* sic dictum, immutare; licet *septimus dies materialiter* dictus semper maneat; id est, ordinis & decori causa DEUS velit certum diem esse, in quo conveniatur; qui tamen *formaliter* dictus extra casum scandali, & extra turbationem ordinis possit libere mutari. Eundem videri vult B. D. Kromaijer. etjam p. 146.

Ergo aliud est, Christum instituisse diem Dominicum *absolute*, & aliud, instituisse eum *determinate*. Instituit quidem Dominus isthunc diem, etiamsi *mediate* per Apostolos id fecerit; quia Paulus de se testatur, quod non ausus sit quidquam loqui, quod non per ipsum operatus esset Christus.

Rom. 15: 18. Ultrum vero *inmediate* instituerit? viderint alii. De mutatione diei Dominici, num sit *impossibilis*, aut *adiaphora*? nec tempus admittit, nec instituti fert ratio, ut differamus. Sabbathum illud *caeleste* & *æternum* concedat nobis Sabbathi DOMINUS!

